

## **Descrición da APP web da empresa Xog Tradicionais Galegos**

**xogostradicionais.gal** (da empresa Xogos Tradicionais Galegos) é unha páxina web adicada á contratación do servizo de xogos tradicionais (os xogos tradicionais, xunto con monitores de ocio e tempo libre, desprazaránse ao lugar onde sexan requiridos), á venta dos mesmos, á recollida de información, documentación e consulta de toda a tradición cultural galega no que respecta a xogos tradicionais, e un blog de noticias con eventos aos próximos servizos que sexan públicos e que realizará Xogos Tradicionais Galegos nas vindeiras datas (aqueles de asistencia libre para o público, normalmente contratados polas Administracións Públicas).

Un cliente non terá que estar logueado para contratar o servizo de xogos tradicionais ou comprar estes, poderá actuar como “invitado”, aínda que existirá esa posibilidade; en cambio, para colaborar con Xogos Tradicionais Galegos recollendo, catalogando e, en definitiva, recollendo a tradición cultural para a súa posterior publicación na web, si que deberá de rexistrarse. Estes últimos clientes serán moi valiosos, xa que a través deles e dos seus coñecementos poderanse elaborar e poñer en uso novos xogos, que ata o momento non se recolleran por só formar parte dun ámbito local reducido de Galicia. O rexistro implicará, ademais de este beneficio, recibir promocións e ofertas sobre os produtos e servizos.

**Realización de petición de servizo:** levarase a cabo a través dun formulario, especificando: nome do cliente, teléfono de contacto, correo electrónico, data e horas aproximadas de servizo, número de participantes, lugar, xogos demandados (checkbox)...; ademais existirá como contacto coa empresa o número de teléfono (tamén se atende a través de Wasap) e correo electrónico. Dado o número esperado de peticións, estas poden ser tratadas persoalmente por parte da empresa a través de chamada telefónica co cliente.

Para a **venda de xogos tradicionais** (e de libros sobre o tema e publicacións propias, chegando o caso), a pasarela de adquisición será a común para calquera venda de produto en internet: busca dun dos xogos no catálogo (pantalla de presentación onde se visualizarán todos os xogos dispoñibles, con posibilidade de filtrado: individuais, grupais, feitos en madeira ou en metal...), páxina de detalle do produto, carrito do produto, pasarela de pago. Finalmente a solicitude chegará á empresa e o xogo será encargado para a súa realización aos artesáns cos que hai relación (a venda de produtos fáisese baixo demanda e infórmase ao cliente na web e, ademais, fáisello chamada telefónica con prazos de entrega, sendo isto posible polo número total esperado de vendas).

**Consulta da tradición cultural** nun catálogo de xogos tradicionais: o coñecemento da empresa nesta materia, pero sobre todo, a importantísima colaboración de usuarios da páxina, permitirá elaborar unha completa guía de todos os xogos habidos na tradición cultural galega (ábrese posibilidade a calquera xogo tradicional de calquera lugar e que sexan tamén coñecidos aquí en Galicia). Nesta guía poderase acceder ao detalle do xogo, que conterá unha completa descrición do mesmo, as súas regras (oficiais se algún deles é unha disciplina deportiva

federada), fotografía ilustrativas do mesmo, a súa historia, vídeo demostrativo e vídeo explicando a súa forma de xogar a él.

**Colaboración na recollida e documentación dos xogos tradicionais:** xa mencionado anteriormente, só usuarios rexistrados poderán acceder a esto, e basarase nun formulario de contacto, con input para descrición do xogo de que se trate e posibilidade de subir fotos que o usuario posúa este. Do mesmo xeito que para a contratación do servizo e venda, para a publicación definitiva contáctase co usuario vía telefónica e, de observar relevancia e rigor nel, o xerente da empresa ou traballador desprazarse ata o seu lugar de residencia para unha entrevista e recollida extensa de datos.

**Consulta do blog de novas e de próximos eventos** da empresa: calquera usuario poderá acceder a esta parte da web, que conterá a lista de novas ( últimos xogos incorporados para a venta e catálogo, entrevista con historiadores na materia...) e próximos eventos. Cada un distes “posts” posuirá páxina de detalle con información máis precisa do evento ou nova.

O xerente da empresa terá acceso a subir novos xogos, borrarlos, actualizalos e consualos (<sup>1</sup>CRUD do produto); CRUD das publicacións, CRUD das noticias do blog, consultar os pedidos, tanto de xogos como de peticións de servizo, e CRUD de colaboracións para publicación recibidas (ventas, contratación e colaboracións lle chegarán tamén ao seu correo electrónico) e consultar os datos de clientes.

O administrador da aplicación terá acceso a toda a funcionalidade da web, que inclúe: borrado de clientes, parada da app, actualización da mesma, mantemento, etc, etc... e demais funcións de calquera administrador de aplicación web ao aluso.

## **Esquema xeral resumo das funcionalidades da web xogostradicionais.gal e tipos de usuarios.**

### **1. Funcionalidades xerais da web:**

- Contratación do servizo de xogos tradicionais: inclúe os xogos acompañados de monitores de ocio e tempo libre.
- Venda de xogos tradicionais, incluíndo ademáis libros e publicacións propias.
- Recollida e documentación da tradición cultural galega: enfocado en xogos tradicionais.
- Blog de novas con eventos e servizos públicos ofrecidos pola empresa.
- Catálogo de xogos tradicionais: consulta de xogos con detalles, regras, fotos, vídeos, etc.

### **2. Tipos de usuario\***

-\*Usuario xeral (Invitado):

- Non necesita rexistro.

---

<sup>1</sup> CRUD: create, read, update, delete

- Pode contratar servizos de xogos, realizar compras, consultar a guía de xogos tradicionais e o blog de novas e próximos eventos.

- Usuario rexistrado:

- Rexistro necesario.
- Colabora na recollida e documentación de xogos tradicionais.
- Recibe promocións e ofertas.

- Xerente da empresa:

- Acceso a CRUD (crear, ler, actualizar e liminar) de produtos, publicacións e noticias.

- Xestiona pedidos e colaboracións.
- Consulta datos de clientes.

- Administrador da web:

- Control total da web.
- Xestiona funcionalidades como borrado de clientes, mantemento da web, actualizacións, etc.

### **3. Proceso de contratación e venda:**

- Contratación de servizos:

- Formulario con datos persoais, data, número de participantes, xogos desexados, etc.

- Contacto telefónico para xestión persoal.

- Venda de xogos:

- Proceso de compra en liña típico (selección no catálogo, detalle do produto, carriño, pago).

- Fabricación baixo demanda e información ao cliente sobre prazos.

### **4. Colaboración e documentación:**

- Para usuarios rexistrados:
- Formulario para subir información sobre xogos tradicionais.
- Posibilidade de engadir fotos.
- Contacto telefónico para validación e posible entrevista presencial.

### **5. Acceso ao blog e eventos:\*\***

- Dispoñible para todos os usuarios.
- Novas actualizadas sobre a empresa.
- Detalles sobre próximos eventos e servizos.